

饒州府志

饒州府志卷之三十

人物志十

隱逸

論曰易稱鴻漸詩賦白駒隱德之高于世其來遠矣饒自  
晉支公而後至宋元之季其堅棲巖穴不就徵辟者逞  
逞而然如魯志敏之趨聘召而潔身不染楊煥文之除  
民害而耕釣以終豈梯榮捷徑與夫耽癖煙霞者可托  
足耶今

國家蒐羅藪澤氣求聲應空谷幾無人焉彼憤時嫉俗匏

饒州府志

卷之三十

隱逸

一

落無容奚云高尚若其懷瑜惜羽冥翮于秋水白雲之  
外伊何人哉

晉支機餘干人咸康間隱居西山與張華友善好讀書尤  
工隸篆豫章玉笥山陳君碑其書也至今稱所居山曰  
支機山橋曰支機橋

唐裴式微餘干人寶應間隱居琵琶洲有東齋十二楹時  
劉長卿謫居餘干與姜濬過之觴咏盡歡長卿爲賦東  
齋詩

周冕字冠玉德興人性雅重不尚華侈讀書過眼不再政

和間八太學以親老歸養遂隱不仕構屋于溪南山隈崖壁鐫歲寒二字故溪山因以得名

宋章公量字寬夫餘干人性嗜學元祐間從歐陽修曾鞏游屢舉不第遂隱居讀書崇寧間王珪薦之不起年七十六卒黃廷堅爲作墓碣蘇軾題其額

張宏字子廣餘干人性耿直嘗從柴益之學清修礪行紹興嘉定間屢舉不第遂棄舉子業隱居仙居山自號清隱道人柴與之嘗與同門與之登第宏三十年不以書謁與之提刑出守淮襄造其廬宏將出望見騶從甚盛

饒州府志

卷之三十

隱逸

二

閉門不納

周慶宗號綵衣安仁人文敏之子好學善文聲聞遠著授經華山陳搏深造其術壽一百二十有六而卒贈中奉大夫許幾題其墓曰文如陶靖節平生修德非筆毫所能摹寫太史黃廷堅爲書云

汪肩吾字均山浮梁人兩舉不合遂自隱後辟蔭皆不就所著有昌江風土記

李謹思字養吾餘干人幼穎異日記數千言咸淳試禮部釋褐第一宋亾遂隱著述最富文奧古自成一家言人

嘗稱之曰宋狀元李謹思云

元祝泌字子涇德興人得皇極數于西蜀寥應准咸淳十年登進士第歷任饒州路三司提幹編修壬易會元以年乞休御賜觀物樓扁因建樓于居傍元世祖登極詔取不赴遣甥傳立持書上之所著有觀物解及六壬大占祝氏秘鈐革象新書或曰先生之學流于數夫數一理也康節之學非歟世祖首詔不赴忠而不激有未測其淺深者

周輿字壯與伯琦姪鄱陽人元末兵亂避地遇絳縣世平

饒州府志

卷之三十

隱逸

三

遂占藉焉洪武間詔求賢絳令曰文學之科無踰周先生舉送之京會病力辭尋開絳籍回鄱陽日聚徒教授沉潛經史邑令岑如心素聞輿名聘教邑庠以疾辭輿性介直有古人風人有謁者延接甚歡第目其容止少肆則拂袖而起室焚趨家廟抱神主不救貲產自是家徒壁立處之泰然卒年八十七子耆績亦有文名

李存字伯遠更字仲公安仁人穎悟該博深明性理之學與同邑吳尊光舒元易貴溪祝蕃遠從上饒陳靜明遊邑令延爲師口守聘典文衡三以高蹈丘園舉中丞文

獻公右丞烏古孫交章論薦李秘書舉以自代相國京兆公奏補翰林屢不起乃葺書院受學者如翰林承旨張仲舉危大樸輩皆出其門時以爲江東四大儒著有俟菴諸集子卓字立卿天資高邁通經傳子史爲文暢而腴不求仕進里中子弟多從遊人以其克繼父志稱爲竹庄先生

王希旦字葵初德興人隱居抱道究心孔孟之學師事邑人余菴谷與其子芑舒互相切磋遂成醇儒元屢聘之不就嘗曰余饑則食倦則眠不饑不倦則取古聖賢之

饒州府志

卷之三十

隱逸

四

書讀之而箋釋其義理者也所著有書易通解五經日記

王億字時萬德興人博習經子探求理學祖雙溪先生爲婺源碩儒億能紹其傳又嘗受業謝疊山之門生宋末長于元累辟不就教授生徒從遊日衆建四勿齋以館士所著有四書講義善族家訓等集

王應奎德興人雅志理學隱居自適與王葵初余息齋相友善老而貧無妻子人以爲苦應奎處之淡如裹足不入城市所著有心說思說四書講說春秋管見雲塢逸

稿其友王嘉同隱著春秋類義學者稱爲白鹿先生  
吳謙字尊光安仁人受學陳立大與祝蕃遠舒元易李仲  
公在竹庄書院講明性理學號曰江東四大儒元屢聘  
不就依土爲廬結草爲坐著書立言有尊光集以傳世  
卒塋嵩塘東源李仲公誌其墓云

余濟字心淵息齋子德興人少承家學踐履篤實一介不  
苟耻同俗學應舉當元初累辟不就築小室日讀書其  
中偶賦云白首黃塵送隙駒那知靜處有工夫幽人世  
念如秋葉萬樹西風一點無與徐芳谷王葵初相友善

饒州府志

卷之三十

隱逸

五

每觸景賡和陶咏性情怡然自得所著有谷雲遺藁  
張楸字知晦德興人潛心學問所著有敝帚集學士趙孟  
頴題其卷末云半生把筆與題詩忽見詩人意自怡讀  
到用心良苦處焚香靜坐獨多時

史可甦鄱陽人生而沉潛學崇篤寔元初辟爲郡學錄以  
先世仕宋有顯者屬徵勿就乃杜門著述隱居餘干棠  
棣橋晚遷鄱城之西博通羣籍因寓意雷軒以起人沉  
痼邑人德之顏其堂曰更生遂隱其名而合更生以爲  
字章公起鳳贊曰術能托乎精微志不厭乎淡泊其懷

寶自晦依隱玩世君平季主何以尚之兵備曹公自守  
題其墓曰宋處士云

李思正德興人潛心力行遠得程朱之緒或諷之仕思正  
憮然杜門謝客終身不出所著有中庸圖說中庸輯釋  
明魯修字志敏樂平人少豪宕不羈動以康濟天下自期  
聞安仁李存以文學鳴就師之存深許可旣乃慕司馬  
子長爲人東遊吳北走齊趙達觀宇宙盡發于詩詩名  
遂豪一時顧不屑科舉業大弁短褐出入諸轅門談武  
事動以諸葛武侯爲師言不少合輒謝去壬辰冬寇猖

饒州府志

卷之三十

隱逸

六

獬甚元帥里鎰來因舉義兵親昌矢石爲前導平章三  
旦八由歛繼入自號飛山子平南兵衆以爲必成功修  
憂其不然曰大軍北來而南下此其不足恃一也舉郡  
饑荒人心易動無德以懷之二也義士有功德者不賞  
賂行者得爵訓其下以貪三也爲時弊書萬言詣軍門  
上明日訊以百韻詩或以爲奇士進三旦八三日八取  
書讀之方引入內幕繼以直言忤意三日不得見則曰  
我布衣耳公爲命臣灾危可坐視耶我言非爲己爲公  
耳三日八笞辱之尋署慈湖山長不就則振衣歸舊廬

結社石門山與邑士董宗文友羅宗口詹伯振羅宏遠  
 程彥初方克睿輩為楚東詩會摘古今事命題賦詩且  
 刻所作于埏埴瘞之石門山下史官宋濂為塚銘至正  
 末明高祖具名致書幣走聘不就及計陳友諒修客馬  
 步復致書請為說平章吳宏及見太祖即謝去太祖優  
 許之歸抵饒卒于舟次前後聘召之書附載明高祖召  
每讀于戰國策觀魯仲連之為人排難解紛却秦振齊而  
千金于草芥重道義于丘上其論握手道行肺誠不頑  
嘆然耳茲不聞先生被褐之丘園蔬食自樂守道行義  
中原耳茲不聞先生被褐之丘園蔬食自樂守道行義  
愧于幣古于人先生可懷寶而起登車時戒為使人在復今見國謹士遣于使  
 饒州府志 卷之三十 隱逸 七

楊煥文鄱陽人煥文讀書尚氣節元末壬辰兵亂煥文倡  
 回陵音宜過我捷取道往不見吳公傳希照不悉有  
 與事乎必能四濟垂名可竹帛誠不至願也建先大毋煩共迂殲玉羣至醜金相  
 章區時區在見斯奉矣天吳討公以倘除能合惡兵霜於我鐵助馬其樓有船為浙以江正直擣常豫  
 政及膚斯之患兄乎雙城知其馮袁有城之也歐俱已帝奉朔於共我朝無矣道  
 懷聞羨夫公以文武公長之才明好豈不仗義封豕長鄉口邦之政毒行而令罹舉剝每床用  
 立篡位建大功逆吾無所弗信惡天之極英古耻與未之有並以于所為矣而茲欲  
 耳切今甚有喜腹無心乃天之禱以惟先生授其予致也意也人江西陳正友不諒在弑相君見  
 書今日近誠者大專願也幸勿吝承左教右有繼聞惟先施其僑之察馬之步深又  
 書今日近誠者大專願也幸勿吝承左教右有繼聞惟先施其僑之察馬之步深又



義旅保閭里民賴以安歸明初鄉有劇寇馬某輩匿山谷剽掠爲害有司捕之不得下令懸重賞以待獲者煥文密緝其踪募勇敢數入人巢穴縛之械送有司上功幕府給賞却不受議錄其勞官之煥文辭曰爲民除害耳豈希利祿耶拂衣歸與徐宗周諸公講究河洛之書以耕釣終焉同時劉翰字斯幹能文多武力至正末隨叔彥昂聚義兵及癸巳城陷挈家走信衢間復隨彥昂屬于光假以官辭不受尋負母櫬還塋歸明後德興殘寇竊發衆推翰往勦生擒五人等議功資力辭還家優

游田里卒年七十七嘗徵彥昂預銘其墓曰早經艱險晚際清平進退自適無忝所生

徐遜字士謙浮梁人從吳迂遊潛心經史以博學稱元于光據州治延爲師勸其除民害而恤其艱及歸明隱遁洪武間以江西僉事召上書丞相以禮辭同邑先後有章昭朱彥俊方游鄭光李燧昭字文明好學能文兩與纂修實錄有司屢舉不就所著闢佛老論蘭雪詩文集彥俊洪武初屢舉明經辭講學談道士多從之游光燧皆以經術徵不起

朱基字原立鄱陽人潛心篤學登鄉舉未幾以元末兵亂遂不仕甘心林壑竟以隱終劉彥昂作百哀詩哀之先時周希茂歷官大中大夫寶慶路總管與茶陵劉三吾使閩相友善後以兵亂棄官還歸明後不復仕進及三吾爲學士以詩招之不就年八十餘郡人舉鄉飲亦不赴美髭鬚有才譽別號草窻

許瑤字德夫樂平人瑗之弟偉貌有令德嗜書至忘寢食父疾旦夕不離左右及卒哀毀結草廬危坐讀書一歲必徧五經倦則枕肱假寐自號枕肱散人有司舉以應

饒州府志

卷之三十

隱逸

九

詔力辭之翰林宋濂致書招修元史亦以疾不起著有瓢稿若干卷

徐文郁字晦之浮梁人明初應遺才詔上顧問曰天下何如治文郁曰居仁則治又曰百姓何如安郁對曰有司得其人則安上奇之授以官文郁泣請歸養

方處漸樂平人洪武初以老人奏民情太祖嘉納賜衣服靴襪鈔錠旌其直義授之官辭不受乃留文華殿說話其大者一曰勅御史臺移文各道按察每年出巡府州縣察官吏廉能污懦問民疾苦二日乞勅軍衛無得差

撥軍官自取軍丁擾害民財只許移文所在府州縣官  
審解三曰老人人材除授有司多不諳治體凡以在京  
衙門歷練一任廉能官員除府州縣掌印四曰各處藩  
國令民戶喂養孳牲馬疋羊隻一有倒死逼令陪償民  
不勝苦乞立定額着令護衛軍看養五曰各都司及府  
軍乞責令所在閒軍屯田催趲糧儲以甦民力所說關  
係國家政務者尚多 太祖皆嘉納之 太宗嗣位復  
徵起說事議授之官辭歸

王彥秀字經材樂平人幼嗜讀與先達洪善初匡廷顯同

饒州府志

卷之三十

隱逸

十

講席授春秋于徐司成旭初旭爲御史時與學士劉三  
吾薦秀學識才器上召見陳言國家治忽在宰相賢否  
宰相賢否在君心又陳平徭省賦數事太祖嘉納欲官  
之懇辭賜帛歸田號隱隱

曹福字如海鄱陽人幼敏慧比長博覽羣書通數學尤熟  
於史與人談亶亶忘倦如親歷當時者永樂初朝廷行  
邵縣蒐羅往事人推福福亦不辭慨然言之凡在元末  
明初饒六邑間叛亂歸附捍禦等事及月日歷歷無差  
衆咸服其強識事親孝與友信竟以隱名卒年八十五

章孟宣鄱陽人孟宣少孤苦志力學永樂間邑令曾保□  
經明行修辭以母老邵武匡守復遣李觀來鄱聘孟宣  
爲學職辭不赴聚徒教授杜門不出凡四十年門人稱  
爲藏拙先生李時勉贊曰我用其拙而巧藏焉我藏其  
拙而巧忘焉彼用其智爲巧之過實拙之媒以賈其裨  
君子之守不務其名嗚呼先生百世儀刑子鳳應字汝  
鳴宣德間舉賢良官常山知縣纂鄱陽景泰志藁二十  
卷

閔彥忠名恂以字顯鄱陽人飭行教家里人化之累薦不

饒州府志

卷之三十

隱逸

十一

起著有芸軒集文菽內亦載其少有俊才爲士林推譽  
嘗賦東湖十景詩曲盡其妙子克真有父風永樂間監  
察御史陶圭薦之辭不赴

葉良表字少崖德興人性恬澹謹厚多大節通經史百家  
九流諸書所著有少崖文集未及行世子敷榮郡庠生  
經學爲人師法長孫維新性穎悟博極羣書爲文高古  
有奇氣督學陸公之棋首拔之稱爲文中龍虎家世積  
學未達至末孫友栢始登丁酉賢書焉

饒州府志卷之三十終